



UNIVERSITÄTS-  
BIBLIOTHEK  
PADERBORN

**In Vaticinia Isaiae, Prophetæ Clarissimi, Paraphrasis,  
Heroico carmine conscripta**

**Carpenteius, Joannes**

**Antverpiæ, 1588**

Cap. 35.

---

[urn:nbn:de:hbz:466:1-68688](https://nbn-resolving.org/urn:nbn:de:hbz:466:1-68688)

Fossuros spelea suis? miluósque rapaces,  
Hic ubi nunc patribus stat curia celsa vocatis  
Tunc congesturos? proliisque cupidine dulci,  
Oua fabrè factis posituros laeua nidis?

<sup>16</sup> Euenient verus quæ proloquor omina vates,  
Euenient, nec apex horum quæ scribimus olim,  
Non ratus ullus erit: eadem cecinere priores  
Fatidici heroës. priscos euoluite libros,

Carminaque ætherei calamo conscripta Tonantis;  
<sup>17</sup> Non alia à sacris oracula vatibus edo,  
Os animùmque Deo plenus; mihi muneris huius,  
Quodcunque est, auctor Deus est: idem ille scelestus  
Inferet hæc rerum portenta minacia terris,  
Quas teneant certa mensuræ lege, colantque  
Sortitio, stirpemque suam per secula propagent.

Cap. 35. Hæc rerum series, & ineluctabilis ordo  
Fatorum, ut quæ nunc caput exerit ora beatum,  
Vrbibus & vicis bacchoque oleoque redundet,  
Illius & rumpant ingentes horrea messes;  
Pinguis humus, pecori tellus aptissima habendo,  
In steriles subito mutata rigescat arenas,  
Nec pecori, nec vino habiles, nec frugibus aptas.

<sup>1</sup> At contra, nã sic diuùm Pater, atque hominũ Rex  
Decreuit, primos orbis dum conderet axes,  
Quæ regio annosis squalloribus obsita, nullos  
Vidit adhuc sulcos, nullisque exercita rastris,  
Horrida, tristis, inops, ieiuna, imperuia luget,  
Accipiet latos mutato sidere vultus.

<sup>2</sup> Iamque repente nouos (dictu mirabile) sese  
Induet in flores, conceptaque semina celo  
Parturiet laxata sinus, & suaue rubentis  
More rose baccamque rubro findentis hiatu,  
Luteolósque apices, sensim prodentis, & intus  
Quod latet in densis radiosum frondibus aurum,  
Exultabunda & ridens sua germina pandet  
Omne genus florum: non huic se thurifer æquet,  
Halet odoratis Libanus licet vndique plantis,  
Non Carmelus apum genitor, Saronque rosarum;  
Quidquid habet Libanus, quidquid Carmelus odorũ,  
Quidquid Saronis rubicunda rosaria pecti,  
Dulce decensq; ferunt, cedent huic omnia fundo:  
Nempe illis per sepe Deus spatiabitur hortis,  
Gloria ubi, decus, & rarorum gratia florum est,

I

Et

Mosem intel-  
ligunt hic in-  
terpretes qui-  
dam, & Li-  
brũ Domini,  
Librum Deu-  
teronomij.

Auctoritatem  
sibi suoque  
vaticinio cõ-  
parat.

Redit iterum  
ad vocationẽ  
Gentium.

<sup>16</sup> Requirit diligẽ-  
ter in libro Domini,  
& legite: vnum ex eis  
non defuit, alter alte-  
rũ non quæsiuit. quia  
quod ex ore meo pro-  
cedit, ille mandauit,  
& Spiritus eius ipse  
congregauit ea.

<sup>17</sup> Et ipse misit eis  
fortem, & manus eius  
diuisit eã illis in mẽ-  
suram: vsque in æter-  
nũ possidebũt eam, in  
generatione & gene-  
rationem habitabunt  
in ea.

Cap. 35.

<sup>1</sup> Lætabitur deferta  
& inuia, & exultabit  
solitudo, & florebit  
quasi lilium.

<sup>2</sup> Germinans germi-  
nabit, & exultabit læ-  
tabunda & laudans;  
gloria Libani data est  
ei, decor Carmeli &  
Saron: ipsi videbunt  
gloriam Domini, &  
decorem Dei nostri.

Et populo coram sese spectante videndum  
 Tractandumq; dabit, quantus super ardua celi  
 Templa sedens, maria & terras moderatur, & astra.

3 Confortate manus  
 dissolutas, & genua  
 debilia roborate.

4 Dicite pusillanimis,  
 Confortamini, & no-  
 lite timere: ecce Deus  
 vester vltionem ad-  
 ducet retributionis:  
 Deus ipse veniet, &  
 saluabit vos.

5 Tunc aperiatur oculi  
 caecorum, & aures sur-  
 dorum patebunt.

6 Tunc saliet sicut cer-  
 uus claudus, & aperta  
 erit lingua mutorum:  
 quia scissae sunt in de-  
 serto aquae, & torretes  
 in solitudine.

7 Et quae erat arida,  
 erit in stagnum, &  
 fitiens in fontes aqua-  
 rum. In cubilibus, in  
 quibus prius dracones  
 habitabant, orietur  
 viror calami & iunci.

8 Et erit ibi semita &  
 via, & via sancta vo-  
 cabitur: non transibit  
 per eam pollutus, &  
 haec erit vobis directa  
 via, ita vt stulti non  
 erent per eam.

3 Vos vero Agricola, quibus haec ignaua quotannis

Excolere arua datum est, & inertes frangere glebas,  
 Quae forte innatis occurrent, parcite plantis,  
 Nec, si stirpe minus valida, ramis-ve laborent  
 Inflexis, cura non sit fulcire labantes,  
 Sed rigidas aptate sudes, supponite furcas,  
 Quarum vi eniti, tandemque adulescere pergant;

4 Tum, si quas abeunte anima, propè perditus humor  
 Destituat, properate viri, vitamque fugacem,  
 Dum licet, arte manug; bona reuocate fouendo,  
 Donec robusta redeant in pristina vires.

Tempus erit, cum sorte datum sibi visere fundum  
 Ipse volet Dominus, (nec longa morabitur illum  
 Tempestas) venietque boni patris vnicus heres,  
 Inquireretque operas seruorum, & premia cuique  
 Pœnaeque ex merito ponet, noque optimus idem  
 Seruatos, vacuosque metu praestabit ab omni.

5 Ipsius haec autem aduentus certissima sunt  
 Signa tibi, cum caeci oculos, lucemque negatam,  
 Surdi aures, linguam accipient (noua munera) muti,

6 Et claudus ceruos cursu praeuertet anhelos.  
 Scilicet hoc ipso tam fausti Principis ortu,  
 Erumpent subiti deserta per arida fontes,  
 Et iugatorrentes rapidi praerupta rigabunt,

7 Quique prius nimis sitiebant solibus agri,  
 In dulces riuos & mitia stagna liquefcent.  
 Iamque vbi serpentes posuere cubilia foeta,  
 Squammosq; viam tractu triuere dracones,

8 Ecce viror iunci, calami que beatus odori  
 Lata stirpe frutex laetis nascetur in hortis,  
 Seque legi cono inuitans, procul expetet vltro:  
 Omne nemus (nec enim tum sibila dira timebunt)  
 Omnis ager, volucrum cantu resonabit amœno.  
 Balantumque greges pascent impune per herbas:

9 Hac quoque securum posito terrore viator  
 Carpet iter, neque per dispendia longa, vagosque  
 Circuitus, flexusque via procedere tardum  
 Aut frustra incassumque queretur abire laborem.  
 Haec via erit recto quae tramite ducet euntem,  
 Haec via sancta tibi dicetur eritque, nec vlli

Quam mode-  
 ratione requi-  
 rat Dominus  
 a pastoribus  
 & ministris  
 Ecclesiae suae.

Emphasis in  
 verbo, ipse enim  
 angelus aut  
 quemuis alius  
 missurus est,  
 sed ipse  
 veniet.

Testimoniū  
 de aduentu  
 Christi lucu-  
 lentissimum,  
 quod ipse  
 Christus ci-  
 tat alibi.

Vide de cala-  
 mo & iunco  
 Plinium nat.  
 hist. lib. 22,  
 cap. 22.

Fas

*Fas illam fuerit pedibus triuisse prophano.  
 Non metus ullus erit, non suspicio vlla pericli,  
 Nam rapide tigres aberunt, aberuntque leones,  
 Visque malarum omnis fraudesque dolique ferarum.  
 Felices animi quibus hunc insistere callem  
 Deducente Deo dabitur; <sup>10</sup> nam libera duro  
 Colla iugo, tenerasque manus solido aere soluti,  
 Ibunt gaudentes, Seruator emque canoro  
 Carmine laudabunt, tandemque ad sancta Sionis  
 Mœnia peruenient, comitabitur alite præpes  
 Remigio, pura & sinem haud habitura voluptas:  
 Mœsities fugiet, fugiet gemitusque dolorque,  
 Feraliq; timor vultum ferrugine liuens.*

Hæc de promissionibus futuri sæculi sunt intelligenda.

9 Non erit ibi leo, & mala bestia non ascendet per eam, nec inuenietur ibi: & ambulabunt qui liberati fuerint.

10 Et redempti à Domino, conuertentur, & venient in Sion cum laude; & lætitia sempiterna super caput eorum: gaudium & lætiam obtinebunt, & fugiet dolor & gemitus.

## VATICINIORVM ISAIAE LIBER QVINTVS.



*ORSITAN & Solymis fuerint qua fata  
 requiret  
 Posteritas, cum mille furens legionibus,  
 vrbes*

*Vreret Assyrius Iudeas Sennacheribus.  
 Dicam equidem, nec enim tam fortia facta sileri  
 Ipse finit Deus, & prohibet pia cura nepotum.  
 Adiuuet ille meum, qui præstitit ista, laborem.  
 Tertius à decimo, regnanti fluxerat annus  
 Hefechiæ, quartumque leues duodena per astra  
 Ducebant menses, ex quo proauita gerebat  
 Sceptra manu, haud ulli veterum virtute secundus,  
 Et Solymam iustis frenabat legibus oram:  
 Cum grauis incubuit Iudeis viribus hostis  
 Sennaribus, totum Euphratem in noua prælia ducens.  
 Et iam more ruens torrentis ab imbribus aucti,  
 Mille manu captas victor prostrauerat vrbes,  
 Cum velut armorum satur, & rem cernere verbis  
 Præ se velle ferens, positis longo ordine castris,  
 Euerſæ Lachis ad cineres bustumque reseait.  
 Colle Lachis surgit modico, quam sede nepotes  
 Benimide Solimis olim posuere propinqua,  
 Hinc (nam in conspectu Solomonica templa videbat,  
 Dauidicæque arces, eductæque mœnia calo)  
 Multa putans, sienosque premens sub corde dolores,*

Hoc loco historia atrox Isaias, ut ostendat quam præfenti ope Dominus eis subueniat, qui tota fide eius auxilio nituntur.

Cap. 36.

Hanc historiam habes Regum quarto, cap. 18. 19. & 20.

Lachis ciuitas in tribu Benjamin, Solymis proxima.

Cap. 36.

1 Et factum est: in quartodecimo anno regis Ezechie, adſcendit Sennacherib rex Assyriorum super omnes ciuitates Iudamunitas, & cepit eas.

2 Et misit rex Assyriorum Rabſacen de Lachis in Ierusalem, ad regem Ezechiam in manu graui, & stetit in aqua ductu piscinæ superioris in via Agri-fullonis.

I 2

Misit